


NOS PRIKICHI



Den e ramanan halto di e mangelnan na Spaans Lagoen nos ta haya e Prikichi. Su largura ta entre 26 pa 28 cm. incluyendo e rabo cu ta 12 cm. Su plumanan ta di diferente colo berde. E berde-shinishi ta esun cu ta resalta mas. Na punta di su rabo y hala e prikichi tin hopi pluma blauw.


Aruba su prikichi ta diferente for di esun di otro islanan di Antia Hulandes. Esun di Aruba ta menos berde na garganta y pecho. Na su cara y su rabo e tin pluma geel. Su pik ta birá, mescos cu otro parhanan cu ta come fruta y simiya.

Su cuminda preferi ta dadel di cadushi largo, simiya di mata di seida y di zonnebloem, tambe bacoba, mispel, cashu y mango. Riba su menu tin tambe simiya di kwihi, di watapana y di druif di lama. Den e simiya tin un pida cu ta moli, esey e ta gusta.

E Prikichi ta broei por lo menos 2 bes pa aña, di april pa mei y di October pa November. E por pone 6 webo color blanco crem. E ta traha su neishi den cas di hotoleis (houtluis) of comehein y tambe den hol di palo bieo.

Nan enemigo ta hende cu ta coi e jiunan pa mascota. Un otro peliger ta e lisimbein cu ta come e jiunan. E menasa mas recien ta e boa.

Henter e famia di prikichi ta biba hunto y ta comparti cuminda cu otro. Ora cu algun haya un palo di fruta, nan ta grita jama tur otro pa bin come hunto.....




E articulo aki ta publica cu autorizacion di:
Conexion Ambiental y Stimaruba/ Sra. O. Rasmijn



Chabalito

Number 7 - Año XI



3.00

BIBLIOTECA NACIONAL ARUBA



3 0993 00294 027 8